

其跡者長物嘆夫道損又損無我將何求唐虞等餘食天地一贅疣

有物混成章第二十五

有物混成先天地生寂兮寥兮獨立而不改周行而不殆可以爲天地母吾不知其名字之曰道強爲之名曰大大曰逝逝曰是遠曰反故道大天大地大王亦大域中有四大而王居一焉人法地地法天天法道道法自然

道有其物妙哉混成內外天地化化生生求之不得強名而名孰能反之人物之靈靈其自然毋執以形嘆欲望崑崙頂上頭層層樓上架高樓眼前自有良崙在指向傍人得見不

道藏輯要

道德真經章句訓頌

十

心集五
六〇八

重爲輕根章第二十六

重爲輕根靜爲躁君是以聖人終日行不離輜重雖有榮觀燕處超然奈何萬乘之主而以身輕天下輕則失臣躁則失君至哉坤元重靜而已非重行馳非靜觀睇行以非行處以不處以御天下不過法地嘆春來柳絮擅飛揚只道東風作主張去去更無歸著處枉教天地大茫茫

善行無轍迹章第二十七

善行無轍迹善言無瑕謫善計不用籌策善閉無關楗而不可開善結無繩約而不可解是以聖人常善救人故無棄人常善救物故無棄物是謂襲明故善人不善之師不善人善人之資